

FÖSTUDAGUR

11. JÚLÍ 2008

FYLGIRIT FRÉTTABLADSINS

**BRYNJAR &
STEINUNN
Í HÆÐINNI**

Indland hitti
þau í hjartastað

DORRIT

Mætti á rauðum
skóm til Garðars
Thors Cortes

**Rebekka
Kolbeins
í Mercedes Club**

„Ég er hnakki inn við beinið“

HVAÐ ÆTLAR ÞÚ AÐ GERA UM HELGINA?



Anna Pála Sverrisdóttir, formaður Ungra jafnaðarmanna

„Ég ætla að skella mér í Miami-partí í kvöld hjá snillingi sem heitir Sesselja,“ segir Anna Pála Sverrisdóttir, formaður Ungra jafnaðarmanna. Vinkona hennar ætlar að halda stórt sumarpartí og slá tvær flugur í einu höggi, afmælispartí og kveðjupartí því hún fer til Miami í Bandaríkjunum í skiptinám í næsta mánuði.

„Svo ætla ég í útilegu Ungra jafnaðarmanna á Kleppjárnreykjum á laugardaginn. Við eigum von á mjög góðu stuði og allir sem hafa áhuga á félagsskap ungra jafnaðarmanna eru velkomnir. Við segjum að þetta sé hátíð ástar og friðar.“

Ætlar að kvænast 08.08.08

Tískulöggan Arnar Gauti úr sjónvarpsþáttunum Innlit/Útlit ætlar að kvænast unnustu sinni, Aðalbjörgu Einarsdóttur, hinn 8.8. 08 kl. 18.00. Þegar hann er spurður að því hvort þetta sé ekki aðeins of stíliserað segir hann svo ekki vera.

„Áttan er tákn eilífðarinnar og þar sem ég ætla að vera kvæntur þessari konu það sem eftir er þá fannst okkur það viðeigandi. Svo eru líka átta ár síðan við byrjuðum saman og því fannst okkur þetta eiga vel við,“ segir Arnar Gauti.

Hann bað Aðalbjörgu fyrir tveimur og hálfu ári. „Það var mjög fallegur dagur. Við hættum snemma í vinnunni og fórum saman á skauta. Eftir það fórum við heim og borðuðum góðan mat og svo færði ég henni armband frá gullsmiðunum í OR og inni í því stóð: Viltu giftast mér?“ segir hann. Vígslan fer fram í Dómkirkjunni og þegar þau fóru á fund með Hjálmarí Jónssyni dómkirkjupresti fyrir tveimur árum spurði hann brúðhjónin hvort það væri einlægur ásetningur að giftast því honum fannst fyrirvarinn eiginlega of góður. Ertu búinn að ákveða í hverju þú



Arnar Gauti og Aðalbjörgu með börnin sín, París og Kiljan Gauta.

ætlar að vera? „Nei, ég hef engar áhyggjur af því,“ segir hann og hlær.

- MMJ

fréttir

KALLI BJARNI SITUR VIÐ SKRIFTIR

Ídolestjarnan Kalli Bjarni, sem afplánar dóm sinn á Kvíabryggju lætur sér ekki leiðast. Þegar hann er ekki að búa til mat handa samföngum sínum situr hann við skriftir. Kunnugir segja að Kalli Bjarni sé að hamra barnabók á lykklaborðið. Nú er aðalspenningurinn á bryggjunni góðu hvort bókin muni bera nafnið Kalli fær sér kók eða Kalli í klandri?



Dorrit Moussaieff var glæsileg að vanda þar sem hún mætti í rauðum skóm og dökkbláum kjól í teitið, en hún kynnti Garðar fyrir gestum Forbes House.



Garðar Cortes ásamt umboðsmanni sínum Einari Bárðarsyni og Carl Machin, en Carl hefur séð um Garðar á ferðalögum hans víðsvegar um Bretland.

FÖSTUDAGUR

Útgáfufélag 365 prentmiðlar
 Ritstjóri Marta María Jónasdóttir
 martamaria@365.is
 Alma Guðmundsdóttir
 alma@365.is
 Þórunn Elísabet Bogadóttir
 thorunn@365.is
 Forsíðamynd Arnþór Birkisson
 Útlitshönnun
 Arnór Bogason og
 Kristín Agnarsdóttir
 Auglýsingar Sigríður Dagný
 Sigurbjörnsdóttir
 sigridurdagny@365.is sími 512 5462
 Föstudagur Skaftahlíð 24
 105 Reykjavík, sími 512 5000

Dorrit mætti í rauðum skóm í útgáfuböð Garðars Cortes:

Garðar í stjörnufanssi

Partíið var haldið í Forbes House í London og var rosalega flott, enda haldið af háttiskuhúsinu Ermenegildo Zegna til heiðurs Garðari,“ segir Einar Bárðarson umboðsmaður Garðars um teiti sem haldið var í

tilefni af útgáfu plötunnar When you say you love me og samningi Garðars við tískuhúsið.

„Garðar var valinn sendiherra Zegna sem er eitt stærsta og flottasta herratískuhús í heimi,“ útskýrir Einar sem var að vonum

ánægður með teitið, enda mættu margir góðir gestir úr fjölmiðla- og tónlistarheiminum. Þar á meðal var útvarpsmaðurinn David Jensen ásamt konu sinni Guðrúnu Jensen, en David er einn þekktasti útvarpsmaður Bretlands. Auk

þess mætti Harvey Goldsmith sem sá meðal annars um Live Aid tónleikana með Bob Geldof, en það var engin önnur en Dorrit Moussaieff forsetafrú sem kynnti Garðar fyrir gestum kvöldsins.

alma@365.is

GLÆSIHÚS ÞORGRÍMS ÞRÁINSSONAR KOMIÐ Á SÖLU

Langar í sumarbústað

„Við erum búnir að búa hér í fimmtán ár og okkur langar bara að breyta aðeins til,“ segir Þorgrímur Þráinsson, en hann og konan hans, Ragnhildur Eiríksdóttir, hafa sett hús sitt við Tunguveg í Reykjavík á sölu. Húsið er rúmir 210 fermetrar að stærð, en þar af er 60 fermetra íbúð í kjallaranum, sem Þorgrímur og Ragnhildur eru nýbúin að gera upp.

„Okkur langar jafnvel að minnka aðeins við okkur og eignast sumarbústað. Það er engin ástæða til þess að eiga of mikið þegar aldurrinn færir yfir,“ segir Þorgrímur og hlær. „Maður verður aðeins að þora að fara út úr þægindahringnum og breyta aðeins til. Mér finnst það bara skemmtilegt.“

Nú þegar hafa þau fengið tilboð í húsið, og eiga von á öðru. „Enda er þetta flott hús og á góðum stað,“ segir Þorgrímur. Hann segir þau hjónin þó ekki vera búnir að finna sér annað húsnæði. „Við



Tunguvegur 12 er falt fyrir 59.9 milljónir.

ákváðum að leita ekkert fyrr en við værum búnir að selja til þess að vera ekki að lenda í vandræðum eins og margir, að kaupa og treysta á einhverja sölu. Þessir tímar eru ekki beint gæfulegir í þeim efnum.“

- þeb

Skór og töskur

Þráinn Skóari Skóbúð • Grettisgata 3

Útsala 20-30% afsláttur

Afar vönduð sænsk KWA garðhúsgögn úr gagnvörðum við



Margir litir og gerðir af púðum



Garðróla



Púðageymsla



Stillanlegt bak



Stækanleg borð



Hringborð



Garðbekkur



Legubekkur



Garðhúsgögn sem endast



Ein endingarbestu garðhúsgögn sem völ er á

Vandaðir leður lúxus-hvíldar

sófar



Stillanlegt bak og skemill
Frábærir sjónvarps-sófar og stólar

2 sæti m/borði og rafstýrðu sæti

Verð kr. 204.000.-

Verð nú aðeins kr. **163.000.-**

2 sæti m/borði

Verð kr. 175.000.-

Verð nú aðeins kr. **140.000.-**

3 sæti m/2 borðum og rafstýrðu sæti

Verð kr. 302.000.-

Verð nú aðeins kr. **242.000.-**

3 sæti m/2 borðum

Verð kr. 273.000.-

Verð nú aðeins kr. **218.400.-**

4 sæti m/2 borðum

Verð kr. 336.000.-

Verð nú aðeins kr. **268.800.-**



Einnig stakir stólar með leðri, stillanlegu baki og skemlli

Verð kr. 86.000.-

Verð nú aðeins kr. **69.000.-**

Val húsgögn

Ármúla 8 - 108 Reykjavík
Sími 581 2275 ■ 568 5375

www.valhusgogn.is

Röltu um verslunina okkar í rólegheitum á netinu með nýja 360° sýningarkerfinu okkar - Þetta verður þú að prófa!

Opið virka daga kl.10-18 / Laugard. kl.11-16



Systurnar Rebekka og Katrín Alda ætla að selja fót og skart úr kjallaraíbúðinni á Ægisíðu 101. Opið verður á fimmtudögum frá þrjú til níu, en opunarpartí verður haldið í dag.

FÖSTUDAGUR/STEFÁN

Opna búð heima

Systurnar Katrín Alda og Rebekka Rafnsdætur munu í dag opna verslun í kjallaraíbúð á Ægisíðu 101. „Þetta eru fót sem ég er búin að vera að safna. Ég er búin að búa úti síðustu fjögur árin og er búin að sanka að mér alls konar finu dóti á þeim tíma,“ segir Katrín Alda. Hún hefur ferðast mikið á síðustu árum og keypt þau fót sem hafa heillað hana, jafnvel þótt þau hafi ekki passað á hana sjálfa. Fötin eru öll second-hand, en í búðinni verða einnig fjaðrakragar, sem Katrín hagnar, og skartgripir. Katrín er útskrifuð úr London College of Fashion en þar lærði hún svokallað fashion management. Báðar hafa svo systurnar verið mikið í kringum tiskubransann og meðal annars unnið í Spútnik.

„Íbúðin niðri í kjallara var tóm svo við ákváðum bara að gera þetta,“ segir Katrín. Hún segir að vinnan við búðina hafi verið skemmtileg hjá þeim systur. Þær hafa líka verið duglegar við að finna sniðugar lausnir á uppstillingum í búðinni. Til dæmis tóku þær ísskápinn í íbúðinni úr sambandi og nú hýsir hann skartgripina sem verða til sölu. Þær systur ætla þó ekki að hella sér alveg út í búðarreksturinn eða hætta sínu daglega amstri, því búðin verður aðeins opin einn dag í viku.

„Það er opunarpartí á föstudaginn frá tvö til tvö og það eru allir velkomnir, en svo verður bara opið á fimmtudögum frá þrjú til níu.“

- þeb



Virkar strax!
Engin fituáferð

PRODERM

technology*

Njótið öryggis í sólinni 6 klukkutíma sólvörn

UVA-UVB

- ➔ Polir endurtekið sjó, sund, þurrkun með handklæði, svita, sand og leik*
- ➔ Rennur ekki af með svita eða vatni, engir hvítir taumar

Húðin verður mjúk og fallega brún

- Verndar húðina gegn ertandi efnum og öldrun húðar
- Fyrir viðkvæma húð og sólarexem
- Fyrir börn og fullorðna
- Inniheldur **ekki** Zink oxide eða Titanium dioxide



* Staðfest af Inveresk Research Inst. (criver.com) sem er óhlutdræg og ein virtasta rannsóknarstofa heims.

Fæst í apótekum og Fríhöfninni - www.celsus.is



Á toppnum ásamt Magnúsi Viðari Sigurðssyni, framkvæmdastjóra framleiðslu-sviðs hjá Sagaflim, og Önnu Hjartardóttur. Með þeim á myndinni eru leiðsögmennirnir Jean Marc Boucansaud og Eric Decamp. Í ágúst stefnir hún á að hlaupa hálf maraþon en segir að það verði ekki hundrað í hættunni þótt hún taki bara tíu kílómetra.

Hulda Þjetursdóttir fór á topp Mont Blanc 200 árum eftir að fyrsta konan fór á toppinn

Fór þetta á seigluinni

Hulda Þjetursdóttir, verðbréfa-miðlari hjá Kaupþingi, hefur verið með töluverða göngudellu síðan hún labbaði á Hvannadalshnjúk fyrir þremur árum. Í fyrra reyndi hún við Mont Blanc en varð frá að vika vegna veðurs. Hinn 1. júlí síðastliðinn komst hún á toppinn ásamt vinum sínum, Önnu Hjartardóttur og Magnúsi Viðari Sigurðssyni. Hulda og félagar hennar voru með tvo mjög reynda franska fjallaleiðsögumenn sem höfðu verið með í för árið áður. Spurð að því hvernig hún hafi undirbúið sig fyrir gönguna segist hún aðallega hafa hlaupið og farið í ræktina. „Þetta tók samt vel á og var hressandi. Veðrið var gott og við fengum sól á toppnum og frábært útsýni. Við fórum svokallaða La Traversée-leið, eða þriggja tinda-leiðina, sem er mjög falleg og liggur yfir tvö fjöll, Mt Blanc du Tacul og Mt Maudit áður en komið er að sjálfu Mt Blanc. Ferðin hófst um kl. 2 eftir miðnætti og var gengið fyrsta hlutann í niðamykrri með ennisljós. Ég verð samt að játa það að ég fór þetta svolítið á seigluinni, sérstaklega bakaleiðina,“ segir hún en ferðin tók 13 tíma og var lítið um hvíld nema rétt á toppnum. „Við vorum öll heppin með heilsuna og fór þunna loftið vel í okkur þrátt fyrir tiltölulega stutta aðlögun. Það

var skemmilegt og óvænt við þessa ferð að sama dag og við komumst á toppinn voru 26 konur frá 25 Evrópusambandsríkjum að ganga á Mt Blanc til að fagna því að 200 ár voru liðin frá því að fyrsta konan, Marie Paradis, komst á topp Mt Blanc og var heilmikið gert úr því í fjölmiðlum. Marie fór á toppinn á sínum tíma í korselett og síðu pils eins og þá var venja að konur klæddust. Ég get ekki ímyndað mér hvernig það hefur verið.“ Þegar Hulda er spurð hvað sé mesta „kikkið“ við að komast á fjallstind nefnir hún það að komast út úr þægindahringnum sínum. „Það er góð tilfinning að fara lengra en maður þorir og heldur að maður geti, annars er hætta á stöðnun. Svo er fjallamennska eitt-hvað sem maður verður háður, vill fara hærra og lengra, þetta er dálítið sérstök árátt. Það er svo mikið frelsi sem fylgir því að ganga á fjöll og svo er það frábær afslöppun í leiðinni. Svo er góður félagsskapur ómissandi hluti af góðum ferðum,“ segir Hulda sem er strax farin að leggja grunn að næstu ferð. „Ætli næsta utanlandsferð verði ekki Afríka eða Suður-Ameríka og svo er búið að plana nokkrar ferðir inn-lands í sumar, þ. á m. á Mýrdalsjökul.“

martamaria@365.is

LABBAÐU Á FJÖLL

Til að koma blóðinu til að renna og búknun til að svitna er málið að labba á fjall. Sniðugt er að byrja á Esjunni en þar sem stöðugur straumur af fólki gengur þangað á hverjum degi er auðvelt að elta bara hina. Fáðu vin þinn eða vin-konu til að labba með þér og hafðu vatnsbrúsa við höndina, plástur og smá nesti meðferðis. Þetta getur ekki klikkað.





Sundsumar!

Nánari upplýsingar um afgreiðslutíma lauganna á www.itr.is

Laugarnar í Reykjavík



www.itr.is | sími 411 5000

fatastíllinn

Margrét Rós Sigurjónsdóttir háskólanemi

Nóg sjálfsöryggi gerir öll fót að skvísufötum

Margrét Rós hefur kvenlegan og elegant fatastíl hvort sem hún er í skvísufötum eða í flíspesu. Hún á ekki langt að sækja það því móðir hennar er Björg Ingadóttir, fatahönnuður í Spaksmannsspjörum.

Fyrir hverju fellur þú alltaf?

„Fötunum í Spaksmannsspjörum sem ég hef notað síðan ég var 11 ára. Ég er enn þá að blanda elstu flíkunum saman við það nýjasta.“

Af hverju áttu mest í fataskápnunum? „90% af fötunum mínum eru úr Spaksmannsspjörum og eru fylgihlutir nokkuð áberandi, enda getur góður fylgihlutur gert kraftaverk.“

Hvað eyðir þú miklum peningum í fót á mánuði? „No comment!“

Hefur þú alltaf haft gaman af fötum? „Já, mamma leyfði mér að ráða hvernig ég setti fötin mín saman þegar ég var krakki og var ég oft mjög skrautleg. Ég kláraði þetta tímabil um 10 ára aldurinn og hef upp frá því verið frekar smart til fara.“

Áttu einhverja tískufyrirmynd? „Maður lítur auðvitað upp til flottra kvenna eins og Madonna og mömmu. Konur sem kunna að endurnýja stílinn sinn en samt er alltaf einhver rauður þráður í gegnum allt sem gerir þær að þeim sem þær eru – svalar og þær sjálfar.“



Uppáhaldshönnuðurinn?

„Björg og Vala í Spaksmannsspjörum, Stella McCartney og Balenciaga.“

Hvernig er upphaldslitapall-ettan þin? „Þegar ég ætla að vera töff og sexí klæðist ég svörtu með rauðum varalít. Þegar ég ætla að vera klár og elegant fer ég í náttúruleiti og þegar ég er sjúskuð og þreytt heima fer ég í skæra liti svo ég týnist ekki.“

Þegar þú horfir til baka, hvaða tískutímabil myndir þú ekki vilja ganga í gegnum aftur? „Aldrei aftur tark-buxur!“

Hvernig er heimadressið þitt? „Joe Boxer-náttbuxur og skærlitir hlýrabolir sem hressa mig við þegar ég er ómáluð.“

Hvað dreymir þig um að eignast núna? „Mig vantar flott útivistarföt.“

Hvaða flík gerir öll fót að skvísufötum? „Engin sérstök flík heldur nóg af sjálfsöryggi.“

martamaria@365.is



Uppáhaldsefni- ið? „Öll ekta efni hvort sem þau eru ný eða slitin.“

Uppáhaldsverslun- in? „Spaksmann- spjarir.“



1. Í kjól úr H&M, skóm frá Dr. Martins með kraga, grifflur, vesti og blóm frá Spaksmannsspjörum. 2. Í samfestingi frá Spaksmannsspjörum. 3. Taska frá Sonia Rykel sem Margrét Rós keypti í París. 4. Belti og hálsfestar frá Spaksmannsspjörum. 5. Trefill með kristöllum frá Spaksmannsspjörum. 6. Vesti og buxur úr Spaksmannsspjörum. Skór úr Zöru. 7. Það er nauðsynlegt fyrir allar prinsessur að eiga svefngrimur. Þessi er úr smíðju Spaksmannspjara. 8. Skór frá Sport Max úr Max Mara-versluninni. 9. Þessi jakki er úr Spaksmannsspjörum. 10. Bolur frá Spaksmannsspjörum. 11. Ullarvesti úr Spaksmannsspjörum.

Ég mæli hiklaust með

IQ-CARE

Eftir að ég fékk mér IQ-CARE
hef ég ekki fundið til í bakinu!

Sölvi Fannar Viðarsson
Framkvæmdastjóri Heilsuráðgjafar



SUMARTILBOÐ



Stillanleg rúm með okkar bestu
IQ-CARE heilsudýnu

Multimemo	Verð áður	Tilboð
120x200	269.900	179.900
160x200	389.900	239.900
180x200	409.900	249.900
Swissflex 145	Verð áður	Tilboð
160x200	299.900	169.900
180x200	309.900	179.900

Takmarkað magn



COE leðurrúmstæði
fyrir dýnu-stærð 160x200
Tilboð **76.930** Verð áður 109.900

40-50% afsláttur af völdum
svefnherbergishúsgögnum

Chiropractic Luxury á tilboði
Queen 153x203 með botni og fótum
Tilboð **181.300**
Verð áður 289.000



Óseyri 2

AKUREYRI



Listhúsinu Laugardal

REYKJAVÍK

Svefn & heilsa



Listhúsinu Laugardal, 581 2233 • Óseyri 2, Akureyri, 461 1150
Opíð virka daga 10:00 - 18:00 - laugardaga 11:00 - 14:00

www.svefn.is

Rebekka Kolbeinsdóttir skaust fram á sjónarsviðið á síðasta ári þegar hún tók þátt í forkeppni Evróvisjón með hljómsveitinni Mercedes Club. Margir bjuggust við að lagið „Ho, ho, ho, we say hey, hey, hey“ yrði framlag okkar Íslendinga í Evróvisjón í ár en svo varð ekki. Rebekka segist vera fullkomlega sátt við lyktir mála og nýtur velgengni hljómsveitarinnar til hins ítrasta. Alma Guðmundsdóttir hitti Rebekku og fékk að skyggast inn í líf skvísunnar í silfurgallanum.

Fer í ræktina til að fita sig

Á meðan alþjóð hefur séð Rebekku Kolbeinsdóttur á sviði með Mercedes Club hefur lítið sem ekkert verið fjallað um söngkonuna sjálfa í fjölmiðlum. Á bakvið sterka ímynd bandsins býr viðkunnanleg stelpa sem veit hvað hún vill.

„Ég var rosalega iðin sem barn, var alltaf í söng, annaðhvort í kórum eða einsöng, æfði ballett, fimleika og var lengi vel í hestamennsku. Eftir að hafa dottið af baki nokkrum sinnum fékk ég hins vegar nóg og er of hrædd til að fara á bak í dag.“ segir Rebekka sem ólst upp í Hafnarfirðinum fram að tólf ára aldri, en þá ákváðu móðir hennar og stjúpaðir að flytjast á Hvolsvöll. „Ég man að ég var alls ekki sátt við þessa ákvörðun þeirra, en við fluttum að Miðtúni, sem er heimabær mömmu á Hvolsvelli. En áður en ég vissi af var ég byrjuð að kynna krökkunum og eignast vini. Ég fór svo í skólakórinn um tíma og byrjaði að æfa einsöng,“ segir Rebekka sem fékk snemma sína fyrstu reynslu á sviði.

„Ég fékk hlutverk Ídu í Emil í Kattholti sem Leikfélag Rangeyinga setti upp þegar ég var þrettán ára. Þá hafði ég fengið smá reynslu af því að leika því ég lék hlutverk Mjallhvítar í fjórða bekk í barnaskóla. Það var gaman að fá bæði að syngja og leika og það spillti ekki fyrir að besti vinur minn var í hlutverki Emils,“ segir Rebekka sem smitaðist snemma af leiklistarbakteríunni. „Mig langaði alltaf

að verða leikkona eða söngkona og þá helst að leika í bíómyndum. Þegar ég var átta ára gömul fékk ég gefins gamla vídeóupptökuvél og lék mér þá tímum saman að því að búa til bíómyndir með vinum mínum, leikstýra og gera handrit. Mig langar enn þá til að spreyta mig í leiklistinni og gæti vel hugsað mér að gera það í framtíðinni,“ segir Rebekka.


Flutt að heiman sextán ára
Þegar Rebekka var sextán ára langaði hana að fara í menntaskóla í bænum svo hún flutti frá Hvolsvelli ein síns liðs.

„Mig langaði að fara í Menntaskólann við Sund svo ég ákvað að flytja og fór að leigja íbúð rétt hjá, í bílskúr sem búið var að innrétta. Ég fór á málbraut og kunni vel við mig í skólanum en bóknaði átti engan veginn við mig. Ég verð að fást við eitthvað skapandi og get ekki bara setið og lesið bækur, svo ég hætti eftir tveggja ára nám,“ segir Rebekka og sér ekki eftir því að hafa sagt skilið við skólann. „Ég fór að vinna á leikskóla og kom víða við í mismunandi störfum á meðan ég var að velta fyrir mér hvað mig langaði til að gera. Ég leiddi hugann að því að fara í Iðnskólann og feta jafnvel í fótspor mömmu og læra grafíska hönnun. Á þessum tíma bjó Ívar Örn bróðir minn með mér og við byrjuðum að fíkta okkur áfram í tónlistinni þegar ég kom heim á kvöldin. Þá fékk hann mig stundum til að syngja yfir



Rebekku þekkjá margir sem stelpuna í spandexgallanum. Hún segist kunna vel við sig á sviðinu og hlakkar til sumarsins með Mercedes Club. MYND/AUBUNN.

SJORTARINN JAMES PATTERSON



„Hasar? Ójá. Spenna? Í bílförnum. Erótík? Já, ekki bara á kápumyndinni.“

Bookreporter.com

JPU
FV. ÚTGÁFA
www.forlagid.is

ÁST, LOSTI OG SVIK
VINSÆLASTI SPENNUSAGNAHÖFUNDUR Í HEIMI

eitthvað sem hann var búinn að semja, en þetta var áður en hann byrjaði í Dr. Mister and Mr. Handsome,“ útskýrir Rebekka og segir söngáhugann hafa kviknað fyrir alvöru um þetta leyti. „Ég fann að þetta var það sem mig langaði til að gera og fór að átta mig á að ég vildi leggja sönginn fyrir mig.“

Óvænt kynni

Rebekka er í sambúð með Magnúsi Haraldssyni tónlistarmanni en þau kynntust óvænt fyrir rúmlega tveimur árum og hafa verið saman síðan.

„Það er frekar fyndið hvernig við kynntumst, því ég var bara að labba heim á föstudagskvöldi þegar hann gekk á móti mér og við fórum að spjalla saman. Í kjölfarið bauð hann mér upp á drykk og innan tveggja mánaða vorum við byrjuð að búa saman,“ segir Rebekka og brosir.

Í HNOTSKURN

Besti tími dagsins: Kvöldin

Sjónumerki: Steingeit

Uppáhaldsmatur: Pizzan hennar mömmu

Uppáhaldsdrykkur: Eðal toppur

Mesta freistingin: Fatakaup

Skemmtilegast: Syngja og vera á sviði

Leiðinlegast: Að gera ekki neitt

Diskurinn í spilaranum: Smáskífan í frelsarans nafni með Sigga Lauf

Draumafri: Á einhverjum sólríkum stað með Magga kærastanum mínum

Hverju myndirðu sleppa ef þú ættir að spara: Keyra minna og minnka fatakaup

Spurð um þátttökuna í forkeppni Evróvisjón segir hún tilkomu hennar hafa komið mjög óvænt á daginn.

„Ég ætlaði sko aldrei að fara

í Evróvisjón. Ég hafði verið að syngja bakraddir fyrir The End, bandið hans Magga kærasta míns, og var eiginlega nýkomin inn í hljómsveitina þegar Valli Sport hringdi í mig. Hann spurði hvort ég vildi syngja lag eftir Barða Jóhannsson í forkeppni Evróvisjón, en honum hafði þá verið bent á mig og heyrð mig syngja með The End,“ útskýrir Rebekka.

„Evróvisjónkeppnin heillaði mig ekki sem slík en mér hefur alltaf fundist Barði töff og fíla tónlistina hans svo ég fór og hitti hann og Valla til að heyra lagið. Mér fannst það strax mjög flott og stemningin í því átti vel við mig, svo eftir að hafa farið í prufu var ákveðið að ég yrði með. Þá voru bara þrjú dagar í keppnina sjálfa, svo ég hitti strákana strax og við byrjuðum að æfa eins og brjálæðingar, enda lítill tími til stefnu. Þá átti líka eftir að redda öllu sem

sneri að sviðsframkomunni svo þetta var frekar mikið stress,“ segir Rebekka og minnst þess að hafa fengið hálfgerð veruleika-sjökk áður en hún steig fyrst á svið með hljómsveitinni.

„Þegar ég var baksviðs, rétt áður en ég fór á svið í Laugar-dagslögnum í fyrsta skipti hugsaði ég bara hvað ég væri komin út í. Ég sem hafði bara verið að syngja á Grandrokk stuttu áður var allt í einu að fara að koma fram fyrir alþjóð í sjónvarpinu,“ segir Rebekka og hlær við, en er sannfærð um að stífar æfingar og mikil þjálfun hafi skilað sér á sviðinu.

Ánægð með annað sætið

Annað sætið í undankeppni Evróvisjón virðist hafa komið sér vel fyrir Mercedes Club því eftir keppnina hefur hljómsveitin haft nóg að gera. Þau hafa leikið í auglýsingum fyrir Símann og komið fram á ótal skemmtun-um víðs vegar um landið. Fyrsta plata bandsins, I wanna touch you, kemur út í dag og fram undan er ferð til Portúgal þar sem hljómsveitin mun troða upp ásamt nýrri bakraddasöngkonu á Club Kiss í lok mánaðarins. En var alltaf ákveðið að hljómsveitin myndi halda áfram eftir þátttökuna í for-keppninni?

„Þetta átti náttúrulega bara að vera eitt lag í upphafi. Það varð miklu vinsælla en við höfðum ímyndað okkur og fyrir úrslitakvöldið var búið að bjóða okkur plötusamning hjá Senu. Stuttu eftir keppnina var því farið að ræða framhaldið,“ útskýrir Rebekka og segir hópinn ná mjög vel saman.

„Egill, Hans og Gassi koma úr sama vinahópnum en við Hlynur komum svolítið úr öðrum áttum. Þetta eru alveg frábærir strákar og við hittumst náttúrulega oft í kringum æfingar og heyr-umst í síma varðandi það sem við erum að gera,“ segir Rebekka sem sækir reglulega tíma í raddþjálfun hjá Hildi Guðnýju Þórhallsdóttur, kennara hjá FÍH, auk þess að æfa með hljómsveitinni.

Aðspurð hvort hún stundi líkamsrækt af krafti með hljómsveitarmeðlimum sínum, segir Rebekka svo ekki vera. „Ég má varla hnerra án þess að missa tvö kíló og ef ég verð lasin og missi matar-lystina í smá tíma hrynja kílóin af mér. Mér finnst það alveg óþolandi og fer í ræktina til að bæta á mig og stækka vöðvana. Fita virðist bara ekki setjast utan á mig og fái áttu sig kannski á því að það er alveg jafnleiðinlegt og að eiga erfitt með að grenna sig. Ég hef alltof oft fengið að heyra „óskaplega ertu horuð“ en ég passa mig að sleppa ekki úr máltíð og drekka prótínsjeik til að verða ekki of grönn,“ segir Rebekka.

Framtíðin óráðin

Með nýttkomna plötu og utan-landsferð í spilunum leikur forvitni á að vita hver framtíðaráform Mercedes Club eru, en Rebekka vill lítið sem ekkert gefa upp um framhaldið. „Valli Sport og Barði sjá algjörlega um þetta, en það er aldrei að vita hvort við förum eitthvað meira út fyrir landssteinana. Það eru ýmsar hugmyndir í loftinu en hvað verður kemur bara í ljós,“ segir Rebekka spök á svip.

„Þetta hefur allt gerst svo hratt að ég hef varla náð að átta mig, en ég er samt búin að njóta hvernar mínútu til hins ítrasta. Draumurinn er náttúrulega að lifa á tónlistinni,“ segir Rebekka að lokum.

borgin mín ÓSLÓ

KJARTAN HENRY FINNBOGASON knattspyrnumaður

MORGUNMATURINN:

Ég fæ mér alltaf kanillbollur á Statoil-bensínstöðvunum. Þær eru alltaf heitar og fínar og mjög góðar með kókómjól. Statoil er líka stærsta bensínstöðvakeðjan hérna svo það er alltaf auðvelt að nálgast bollurnar.

SKYNDIBITINN:

Það er virkilega góður hamborgarastaður hér sem er svolítið eins og Hamborgarabúllan á Íslandi. Ég man nú ekki alveg hvað hann heitir, en hann er á götu sem heitir Bogstadveien og er svolítið eins og Skólavörðustígurinn. Gatan liggur niður að Karl Jóhann-götunni, sem er nokkurs konar Laugavegur. Á Bogstadveien eru langflottustu búðirnar og kaffihúsin svo búllan er á góðum stað.

RÓMÓ ÚT AÐ BORÐA:

Það er staður sem við fórum á í fyrsta skipti nýlega sem var bara nokkuð rómó. Hann heitir Liborus, og var alveg rosalega góður. Þriggja rétta máltíð með góðri steik virkaði vel. Þarna er samt ekkert sérstakt matarþema og hægt að fá alls konar mat.

LÍKAMSRÆKTIN:

Ósló er ekkert svo ósvipuð Kaupmannahöfn, það eru hjólaleigur hér og þar og mjög gott að hjóla um. Maður kynnist líka borgum á annan hátt þegar maður hjólar um þær. Annars er ég ekkert mikið í líkamsrækt fyrir utan æfingar.

UPPÁHALDSVERSLUNIN:

Það eru tvær búðir sem berjast um það, og þær eru báðar á Bogstadveien. Sú fyrri heitir

Volt, hún er reyndar líka á Karl Jóhann-götunni, og svo er rosalega flott Tiger of Sweden-búð neðst á Bogstadveien.

BEST GEYMDA LEYNDARMÁLID:

Ég myndi segja Frognerparken. Það er svona eins og Hljómskálagarðurinn sínum fimmtán. Þar erum við búin að vera mikið í góða veðrinu, kaupum einnota grill og pulsar og svona og liggjum á teppum í steikjandi hita. Þar er fullt af fólki og við erum búin að eyða mjög miklum tíma þar.

BEST VIÐ BORGINA:

Mér líður alltaf rosalega vel í þessari borg og finnst hún mjög notaleg. Fyrir mig er það besta að hafa fullt af Íslendingum og góðum vinum í borginni. Það skiptir öllu máli.



nytt!

Velliðan í hverjum dropa

með trefjum
Bragðbættur vatnsdrykkur án kolsýru með trefjum sem bæta meltingarstartsemi líkamans.

með andoxunarefnum
Bragðbættur vatnsdrykkur án kolsýru með andoxunarefnum sem geta stuðlað að verndun fruma líkamans.

edal toppur

tíska

ferskleiki dagsins í dag

Vertu glysgjörn í sumar

Partítískan í dag einkennist dálítið af því að vera ekki of finn til fara. Það getur orðið svolítið kerlingarlegt að vera í fínun buxum og fínun toppi við. Tala nú ekki um þegar svörtu sparibuxurnar eru að verða áratugagamlar. Galdurinn er að nota hversdagsfötin sín og poppa þau upp þannig að þau verði partíhæf. Ef þú ert í gallabuxum í vinnunni er lítið mál að skella sér í skvísulegri skó og flottan topp til að vera klár í slaginn. Gallabuxnatískan er dásamleg að því leytnu til að konur eru sjaldnast „overkill“ í klæðaburði þegar þær klæðast þeim.

Í sumartískunni eru síðir kjólar mjög áberandi. Þegar konur eru komnar í síðan kjól og setja sjal yfir axlirnar þá eru þær orðnar svolítið of fínar. Það er um að gera að gleyma sjalinu heima og fara þess í stað í grófan stuttan jakka yfir, vesti eða aðsniðna peysu. Ef kjóllinn er víður skiptir miklu máli að vera í flík yfir sem formar vöxtinn svo við lítum ekki út fyrir að vera á leið upp á fæðingardeild. Til að setja punktinn yfir i-ið eru síðar hálsfestar málið!

martamaria@365.is

1. Bobbi Brown varalitur er nauðsynlegur í sumarpartí.
2. Alessandra Facchinetti var flott þegar hún mætti í opnun Tom Ford-verslunarinnar í Milánó. Takið eftir toppnum, þeir gerast varla partílegri.
3. Þegar þú ert komin í síðan kjól er nauðsynlegt að vera í jakka eða vesti yfir sem formar líkamann. Þessi kjóll er úr Karen Millen.
4. Rokkaralegar gallabuxur frá Miss Sixty í Kringlunni.
5. Sarah Jessica Parker, stundum er nóg að setja bara skart yfir hlýrabollinn til að vera klár í slaginn.
6. Stórt og veglegt belti er flott yfir víðar flíkur. Það fæst í Karen Millen.
7. Partískór úr Karen Millen.
8. Dásamlega fallegur toppur úr Karen Millen. Hann smellpassar við gallabuxurnar.
9. Þessi Pradakjóll er yndislega partílegur.

STÓR SÓGLERAUGU

Þú kemst ekki í gegnum sumarið nema eiga stór og flott sógleraugu. Þessi eru frá Gucci og eru sérstaklega fögur. Gylltar spangir og flott gler setja punktinn yfir i-ið. Ef þú vilt líta út eins og Hollywood-stjarna þá eru þessi málið.



G-STAR RAW

REYKJAVÍK STORE

LAUGAVEGUR 86-94, S: 511-2007

Útsala,

30% afsláttur
af útsöluvörum.



RAW DEFENDER



g-star.com

© 2007 G-Star International B.V. All rights reserved. All trademarks used herein are the property of the G-Star group of companies.

opið

föstudag 11 - 18.30


laugardag 11 - 17

Útlit

smáatriðin skipta öllu máli

SANDRA BULLOCK ER HRIFIN AF PRADA

Það skiptir miklu máli að passa upp á dýra fylgihluti. Hér er leikkonan Sandra Bullock með forláta Pradatösku. Þegar hún hrasaði gætti hún þess vel að taskan myndi ekki laskast í fallinu. Þetta kallar maður að hafa forgangsröðina á hreinu!



Bleik-glossaðar varir

Sumarið er tíminn til að glossa varirnar á meðan sólarinnar er notið. Það dásamlega við gloss er að það er aldrei hægt að nota of mikið af því. Gloss með glimmerögnum á upp á pallborðið þetta sumarið. Það er kannski smá þversögn í tiskunni því annaðhvort eiga varirnar að vera háglansandi eða mattar.



Brynjar og Steinunn úr Hæðinni standa fyrir indverskum dögum á Café Oliver

Indland hitti þau í hjartastað

Margir þekkja Brynjar Ingólfsson og Steinunni Garðarsdóttur úr sjónvarpsþáttunum Hæðinni sem sýndir voru á Stöð 2 á vormánuðum. Þar sýndu þau frumlega og skemmtilega takta í hönnun og viðurkenna að þau séu grútspæld yfir því að hafa ekki unnið. „Við vorum ótrúlega sár að vinna ekki,“ segja þau bæði í kór. „Við gerðum okkur góðar vonir um að vinna og við fengum að vita það eftir á að dómnefndin hefði valið okkur ef þau hefðu fengið að ráða,“ segir Brynjar og bætir því við að þau hafi tapað í vinsældakosningunni en unnið hönnunarhlutann og því séu þau sátt. Þau sjá þó alls ekki eftir að hafa tekið þátt því hugmyndaflugið hafi þroskast á Hæðinni og þátttakan hafi opnað fyrir þau margar dyr.

Stuttu eftir að þáttunum lauk fóru þau til Indlands þar sem Steinunn hefur verið með annan fótinn síðastliðin ár. Hún er lærður nuddari. Indland kallaði á hana og þar lagði hún stund á jóga, lærði Bollywood-dansa og fékk hugmynd að því að stofna fyrirtæki sem myndi selja fatnað og fylgihluti. Í fyrra lét hún drauminn rætast ásamt systur sinni, Unni Lindu, og stofnaði fyrirtækið

Kátínu. Fyrr á árinu kom Brynjar inn í fyrirtækið með henni og fóru þau saman til Indlands til að láta framleiða fatnað og fylgihluti. Þau segja ferðina hafa verið ævintýri líkast en þau dvöldu á Indlandi í mánuð og eru nýkomin heim.

Það vantar ekki framkvæmdagleðina því þau standa fyrir indverskum dögum á Café Oliver sem hófust í gærkvöldi. „Staðurinn er allur skreyttur í indverskum stíl og boðið er upp á indverskan matseðil. Við verðum með tiskusýningu ásamt Gyllta kettinum kl. 20 öll kvöldin og svo verður boðið upp á alvöru Bollywood-dansa,“ segir Steinunn sem ku vera ansi flink í þeim. „Bollywood-dansar snúast um að dansa eins og hálviti,“ segir Brynjar og hlær. „Ég hef farið á dansnámskeið í Bollywood-dönsum á Indlandi og það var alveg frábært. Maður lá alveg í hláturskrampa, þetta er mjög kjánalegt en svo mikilstemning,“ segir Steinunn.

Á meðan þau dvöldu á Indlandi var indverska útgáfan af „So you think you can dance“ í fullum gangi í sjónvarpinu. „Það kom mér svo á óvart að allir þeir sem mér fannst dansa verst fengu bestu einkunnirnar hjá dómurum. Það var til dæmis einn gaur sem fór alltaf í hált handahlaup og var ótrúlega klunnalegur, hann var vinsælastur hjá þeim,“ segir



Brynjar og Steinunn standa fyrir indverskum dögum á Café Oliver. Þar sýna þau hátt í tuttugu útfærslur af kjólum sem Steinunn klæðist. MYND/AUÐUNN

Brynjar og bætir við að allir verði að syngja með í Bollywood. „Svo er aðaltríkið að hreyfa hausinn og láta eins og fifl,“ segir Steinunn og hlær.

Þegar þau eru spurð út í ástina á Indlandi segir Steinunn að það sem hafi heillað hana við landið hafi verið hvað allt er afslappað þar og mikill kærleikur og gleði í loftinu. „Það er ekki til neitt stress þarna sem kom sér reyndar svolítið illa þegar við þurftum að koma vörum í gám á ákveðnum degi. Það var svolítið erfitt. Að vera í viðskiptum á Indlandi er erfitt en að dóla sér þar er yndislegt,“ segir Steinunn. Sendingin komst til landsins og verður sýnd á tiskusýningunni á Café Oliver.

Einni af flíkunum á sýningunni er hægt að breyta í hátt í 20 mismunandi flíkur. Flíkin er hugmynd Steinunnar en hún fékk ísraelskan

fatahönnuð til að útfæra hana fyrir sig. „Ég fékk hugmyndina að þessu á Indlandi fyrir nokkrum árum út frá munkaklæðum,“ segir hún. „Kosturinn er að stelpur geta klæðst þessu alla daga vikunnar án þess að það sjáist að viðkomandi sé í sömu flíkinni,“ segir Brynjar. Auk kjólsins eru þau með aladdínubuxur og ponjo og fullt af skartgripum.

Hingað til hafa þau aðallega selt fatnaðinn á netinu og í Gyllta kettinum og nú eru þau að leggja grunn að nýrri og öflugri heimasíðu. Þau segja að þátttakan í Hæðinni hafi hjálpað þeim að hugsa út fyrir kassann. „Í næstu viku höldum við í Evróputúr en við eigum stefnumót við heildsala sem hyggjast selja vörurnar okkar í nokkrum löndum,“ segir Brynjar og Steinunn segir að svo verði bara að koma í ljós hvað gerist. martamaria@365.is



Steinunn á saumastofu í Indlandi.




fataefni

Hannaðu þín eigin föt



Dalvegí 18, Kóp. Sími 568-6500 www.fondra.is
Opíð 10-18 virka daga, lokað laugardaga í sumar.

Onion snið



Landsins mesta úrval af ferðavögnum

10% ÚTBORGUN
20.256. KR. Á MÁNUÐI

TILBOÐ

PALOMINO COLT
KR. 1.290.000.

FULLT VERÐ KR. 1.499.000.

FRÁBÆR TILBOÐ

LÍTTU VIÐ OG KYNNTU ÞÉR ÚRVALIÐ

TILBOÐ

CHALET A-HÚS
KR. 1.950.000.

FULLT VERÐ KR. 2.150.000.

100%
FJÁRMÖGNUN

TILBOÐSPAKKI
ÆGISTJALDVAGN OG
ÍSLENSKT FORTJALD
KR. 690.000.

FULLT VERÐ KR. 801.000.

0% VEXTIR
100% FJÁRMÖGNUN

HELGARTILBOÐ
Á NOTUÐM VÖGNUM
LÍTTU VIÐ

TILBOÐSPAKKI
ÖLLUM HJÓLHÝSUM FYLGIR
SÓLARSELLA, SKYGGNI OG
SJÓNVARP MEÐ DVD

OPNUNARTÍMI:

MÁNUDAGA - FÖSTUDAGA 10.00 - 18.00
LAUGARDAG 11.00 - 16.00
SUNNUDAG 12.00 - 16.00



SEGLAGERÐIN ÁGIR

1913 - 2008

Eyjarslóð 5 101 Reykjavík
S: 511 2200 www.seglagerdin.is

95
ÁRA

bland

í gær og á morgun ...

HELGIN

FÖSTUDAGUR:

Farðu í bió og sjáðu myndina Mamma Mia með Meryl Streep, Pierce Brosnan og Colin Firth í aðalhlutverkum. Unga kynslóðin getur drukkið í sig gömlu ABBA-slagarana og eldri kynslóðin getur farið aftur í tímann og reynt að muna stemninguna sem ríkti í Hollywood. Mamma Mia er sýnd í Sambíóunum.



LAUGARDAGUR:

Skelltu þér í sveitaballagallann og farðu á ball í Sjallanum. Þar munu Sprengjuhöllin og XXX Rottweiler sameina krafta sína og ef þeir eru þekktir rétt þá verður dúndurstuð.

díana mist

FÖSTUDAGUR 4. JÚLÍ

Eftir maríneringu síðustu mánaða ákvað ég að taka því rólega um helgina. Ég var farin að sjá sjálfa mig fyrir mér með gúrkumaska í andlitinu með vel snyrtar tásur sem vísuðu beint upp í loft. Í hádeginu ringdi vinkona mín í mig, en umrædd vinkona lenti í því hræðilega atviki að halda óvart fram hjá með þeim afleiðingum að henni var hent að heiman. Með kökkinn í hálsinum grátbað hún mig um að koma með sér á Landsmótið á Hellu og lofaði góðu stuði. Hún bar sig svo aumlega að í einhverju bríari sagði ég já þótt ég fari helst ekki upp fyrir Ártúnsbrekkuna. Það var þó með því skilyrði að hún myndi redda hjólhýsi því ég sef ekki í tjaldi.

Með lánsbil frá föður sínum og svart hjólhýsi í eftirdragi sótti hún mig í palléttustrigaskóm með vel glossaðar varir. Þegar ég kom inn í bílinn glumdi Páll Óskar í græjunum og í aftursætinu var kista, full af klókum og isköldum bjór. Það var ekkert annað í stöðunni en að búa til góða stemningu og ég vipaði mér inn í bílinn og náði mér í einn kaldan í aftursætið.

Áður en ég vissi af vorum við vinkonurnar mættar á Hellu, búnar að finna stæði fyrir hjólhýsið og komnar í kokkteil hjá menntamálaráðherra og eiginmanni hennar, Kristjáni Arasyni. Þar voru hjónin Baltasar Kormákur og Lilja Pálmadóttir, Karítas, systir Þorgerðar Katrínar, og Kjartan, eiginmaður hennar, Díana Bjarnadóttir og fleiri og fleiri.

Eftir kokkteilinn vorum við komnar í þvílíkt stuð og lentum í fullt af partíum. Þegar ég var orðin þvöglumælt sá vinkona mín ekki annað í stöðunni en að drösla mér í hjólhýsið.

LAUGARDAGUR 5. JÚLÍ

EKKI hefði ég trúað því fyrir mánuði að ég ætti eftir að vakna í hjólhýsi tvær helgar í röð. Þessi morgunn var þó ögn skárrí en síðasti laugardagur þar sem vinkona mín vakti mig með tveimur hráum eggjum sem hún lét mig skella í mig áður en ég fékk alvöru morgunkaffi. Hún sagði að þetta væri allra meina bót. Ég lofaði sjálfri mér að haga mér betur þetta kvöldið svo mér yrði ekki hent út hjá Vogu á heimleiðinni. Áður en ég vissi af var ég þó komin í kokkteil hjá Steini Loga, forstjóra Húsasmiðjunnar. Ég var vel búin, með Lúbarinn á bakinu en í honum var skriðdrekaolía og vodkapeli, og því var ekkert annað í stöðunni en að rölta um svæðið í leit að stuði. Á leiðinni rákumst við á Unni Birnu Vilhjámsdóttur sem var í svaka stuði. Þar voru líka Birna Rún Gísladóttir viðskiptafræðingur og kærasti hennar, Jakob Frímann Magnússon, ásamt Jarúnu dóttur sinni. Þar var líka Ásbjörn Gíslason, forstjóri Samskipa, Kári Stefánsson, Guðni Ágústsson, Hinrik Ólafsson og Randver Þorláksson. Þegar líða tók á nóttina mætti ég Fjölni Þorgeirssyni með dökkhærða dömu upp á arminn, þar fór sá séns!

SUNNUDAGUR 6. JÚLÍ

Það var ekkert sérstaklega gaman að pakka saman öllu dótinu en það var samt þess virði því ég skemmti mér ótrúlega vel þrátt fyrir að það hafi enginn lifandi karlmaður gefið mér auga hvað þá reynt eitthvað meira. Lífið snýst líka stundum um það að hafa gaman og vera ekki stöðugt með karla á heilanum, yfir og úti Djöfull er ég þroskuð ...




Svala Ragnarsdóttir myndlistarkona



Þegar ég er heima eyði ég nánast öllum mínum tíma í sófanum mínum - ég gæti barasta stjórnað heiminum sitjandi í honum. Ég fann hann í Góða hirðinum en hann er traust íslensk smíði úr tekki og klæddur fallegu Álafossáklæði.



Þessi dýrindis skoska klukka varð á vegi mínum í Glasgow í þínulítili antikbúð. Það kostaði mikinn pappa og límband að flytja hana heim en það var hvers punds virði.



Þetta málverk er eftir Guðmund Thoroddsen, eða Mumma. Ég kalla verkið „Ískornann“ því að það er eins og íkorninn sé úr rjómaís. Mikið augnayndi.




Hver dama verður auðvitað að telja til uppáhaldsskóna sína! Þetta par fékk ég að gjöf frá systkinum mínum en þeir eru frá Chie Mihara og eru algjör draumur að ganga á.



Ég gerði þetta verk - „Viti“ - sem útlitaverk fyrir Bjarta daga í Hafnarfjarðarbæ. Ég er svo ánægð með það að núna hef ég það bara á veggnum heima.



Michel Gondry er uppáhaldskvikmyndagerðarmaðurinn minn og ég hef horft á þennan frá-bæra safndisk með tónlistarmyndböndum og stuttmyndum eftir hann milljón sinnum. Hver vill ekki lykta eins og sumar búið til af Marc Jacobs! Þetta ilmvatn er mér ómissandi þessa dagana og svo er flaskan óskaplega falleg.



John, Paul, George og Ringo eru með bestu vinum mínum (við kynntumst í sumarfríi á Mallorca fyrir mörgum árum síðan) og ég gæti ekki lifað án þeirra né hvíta albúmsins þeirra. Kátu kanínustyttuna fékk ég í útskriftargjöf í vor frá yndislegu samstarfsfólki mínu í Saltfélaginu. Hún er eftir Katrínu Pétursdóttur og hausinn er úr titaníumi hvorki meira né minna.

UNGLINGUM FYLGIR ÁBYRGÐ

SKEMMTUM OKKUR VEL Í SUMAR!

ANÁFENGIS

« HVER BER ÁBYRGÐ? »

LYÐHEILSUSTÖÐ - lítið heil



Mér finnst Royal skyndibúðingurinn sjálfur reyndar bragðvondur en umbúðirnar og litirnir eru svo æðislega fittis að pakkarnir eru til sýnis í eldhúsinu.



Pykkvabæjar

Forsóðnar

Grillkartöflur

img - 05-0002

FUNHEITAR EÐA SVALAR *í grillveisluna*

Pykkvabæjar
forsóðnar grillkartöflur
eða kartöflusalat
með hrásalati.


Einfalt og gott!



Pykkvabæjar

FÖSTU DAGUR

5 LEIÐIR TIL
AÐ GERA
FÖSTUDAG
ÓGLEYM-
ANLEGAN



Jón Jósep
Snæbjörnsson
söngvari

Mér finnst ógeðs-
lega gaman að
spila á balli eða
vera með gigg í
heimahúsum á
föstudögum. Yfir-
leitt er ég spenntur
alla vikuna og svo
leysist spennin-
gurinn úr læðingi.



Mér finnst gaman að fara í bíó, það
getur verið ótrúlega góð afslöppun.



Ef ég er laus seinni partinn sæki ég
strákana mína fyrr í leikskólann og fer
með þá í Húsdýragarðinn eða eitthvað
álíka skemmtilegt.



Svo finnst mér gaman að hitta vini
mína í kaffi á Kaffitári. Mér finnst kaffið
þar svo ótrúlega gott.



Á föstudög-
um finnst
mér dás-
amlegt að
eiga gæða-
tíma með
Rósu, kon-
unni minni.
Þá setjum
við börnin í
pössun og
förum út að
borða.

SIGRÍÐUR KLINGENBERG spáir fyrir Árna Johnsen

Hann á eftir að fá mikinn stuðning



Árni Johnsen er fæddur 01.03
1944. Þegar fæðingardagur-
inn er lagður saman kemur
út talan 22. „Þetta er alger
verðlaunatala en fólk sem
hefur hana í fæðingardeg-
sinum hefur mikla krafta og
er andlega þenkjandi. Hann fær örugglega
fyrirboða í draumi og hefur mikið innsæi
fyrir hlutunum. Í kringum Árna er mikil álfa-
orka og þar af leiðandi þrífst hann best í sveit,
stórborgarlíf á ekki við hann. Síðastliðin fjög-
ur ár voru ætluð til að breyta lífi hans og nú
byrjar hann að uppskera. Ef fólki finnst hann
vera mikið í fjölmiðlum núna þá er þetta bara

rétt að byrja. Hann á eftir að hjálpa lítil-
magnanum og standa keikur sama hvað
hver segir. Hann var trúlega dálítið of-
virkur peyi og þar af leiðandi er hann
mjög fljótfer. Hann þyrfti að hugsa sig
um þrisvar áður en hann segir eitt-
hvað. Hann er hins vegar „origin-
al“ og skammast sín ekki fyrir
sjálfan sig. Eg get séð Árna
fyrir mér sem bæjarstjóra
í Vestmannaeyjum. Árni er
að fara yfir á töluna fimm
sem er hress og skemmti-
leg tala. Þessi tala teng-
ir hann við útlönd. Í fram-



tíðinni verður hann sterklega tengd-
ur Færeyjum.“ Þegar ástarmálin
ber á góma segir Sigríður að hann
sé búinn að finna þá einu réttu og
þau muni standa saman hvað
sem á muni dynja. „Í fram-
tíðinni á hann eftir að
fá miklu meiri stuðning
en hann grunar. Hann á
eftir að koma miklu í
verk. Til hamingju, Árni,
þú ert Vestmannaeyingur
númer 1.“

www.klingenberg.is

Húnavaka 2008

á Blönduósi um helgina



Föstudagur

- 20:30-22:30 **Vökulögin - söngvakeppni - í íþróttahúsinu**
Dansleikur með hljómsveitinni Lexíu strax að lokinni keppni
Kynnir: Felix Bergsson
- 23:00-02:00 Hljómsveitin Svörtu sauðirnir á Pottinum og pönnunni
00:00-03:00 Haldapokarnir á Árbakkanum

Laugardagur

- 10:00-11:00 Áheyrnarprufur í söngkeppni barna og unglunga á útisviðinu á Torginu
11:00-12:00 Blönduhlaup USAH
11:00-14:00 Húnavökumót GÓs í golfi
12:00-13:00 Tónleikar í kirkjunni: Samkórinn Björk
- 13:00-16:00 **Fjölskylduskemmtun á Torginu**
Mercedes Club
Gunni og Felix
Abbababb! eftir Dr. Gunna, hljómsveit og leikarar úr söngleiknum vinsæla
Míkróhúnninn, söngkeppni barna og unglunga
Hljómsveitin Polyester
Afmælisterta og mjólk fyrir alla
Barnaleiktæki og andlitsmálun
Markaðsstemning í Félagshöllum
- 16:00-18:00 Hvöt - Reynir 2. deild karla í knattspyrnu (Ókeypis aðgangur)
18:00-19:00 Tónleikar í kirkjunni: Hljómsveitin Groundfloor
- 21:00-22:30 **Kvöldvaka í Fagrahvammi**
Félagar úr Björgunarfélaginu Blöndu tendra varðeld
Gunni og Felix
Umhverfisverðlaun Blönduósbæjar afhent
Sigurvegarar úr söngkeppni barna og unglunga syngja
Veðurspámaðurinn 2008 hylltur
Stebbi Hilmars, Gummi Jóns og félagar úr Sálinni leika og syngja
Bakkasöngur og Íslandsmetstílaun í fjöldagiftarspili
- 23:00-03:00 **Stórdansleikur í Íþróttahúsinu**
Sálin hans Jóns míns ásamt Mercedes Club

Sunnudagur

- 11:00-15:00 Opið hús og grill hjá SAH Afurðum
12:00-16:00 Opið hús í Leikskólanum
- 13:00-13:15 Skóflustunga að sundlaugargarði á Blönduósi við íþróttahús
13:30-14:30 Tónleikar í kirkjunni: Ardís Ólöf og Hjalti Jónsson
14:00-15:00 Ísbjarnasögur: Sögustund fyrir börn í Hafíssetrinu
15:00-16:00 Leiðsögn um Hafíssetrið með Þór Jakobssyni
16:00-17:30 Tindastóll/Hvöt - Fjarðab./Leiknir/Huginn, knattspyrnuleikur í 3. flokki karla

Alla helgina

Ljósmyndasýning í tilefni af 20 ára bæjarafmæli Blönduóss á Veitingastaðnum Pottinum og pönnunni
Hafíssetrið og Heimilisiðnaðarsafnið í hátíðarskapi

Velkomin á Húnavöku!
www.huni.is

